

WAJIB AL-WUJUD

Bertalu telah kembali di depannya,
Tentu pertunjuk datang menjelma! ! !
Biar banjir dunia denga air mata,
Walau gempak alam dek pekik suara,
Guruh, petir menyambung, kilat menyambar
Namun masih lena juga insan ini,
Matanya dipejamkan lagi, kelopaknya masih rapat
tertutup
Dengkurnya memecah sunyi.

Si insan, insan itu,
Tidur, lena mendengkur waktu sedar,
Sakit tenat semasa sihat,
Mata buta tetapi dapat memandang, tuli sambil
mendengar
Kelu bisu, tapi lidahnya berkata-kata.

Inilah jeritan malam, laungan dunia akhir zaman,
Manusia bisu kelu mengatakan kebenaran,
Kelu, tidak bermaya mencegah kemungkaran,
Memang dia sakit sihat, dia miskin kaya,
Sesat jalan di tengah terang.

Berilmu, tetapi perosak, berbudi tetapi
pencopet,
Jujur tetapi munafik, berlakon afriat.

Lihatlah nun dia tersungkur, tersembam mukanya
ke batu,
Pecah darah, berciciran mengalir.
Dia bertelut, bersujud di depan, menyembah
matahari,
Memuja benda, menjunjung madi.
Seolah-olah zat Wajib al-Wujud tak ada lagi.

Insan . . mengapa sedangkal itu engkau ? ? ! !
Mengapa sudah sejauh itu kau tersasul ? !
Kau menanduk pintu kandang, mengorek kepala
supaya tenggelam,
Kau bertuhan petir, suria, air, besi dan
semua
Yang kau banggakan sebagai *nature*
Mengapa, kenapa dan kemana kau ini ? !

Ingatlah kau takkan lepas dari lubang itu,
Kau harus sampai keseberang, tempat pengadilan
di situ,
Nah . . . waspada dan sedarlah setiap detik lubang
itu makin dekat.
Kembalilah, sembah Dia, zat wajib al-Wujud itu

Pencipta segala kejadian, segala keindahan dan
kesenian ini.